


**AK
HAVE
YOUR
SAY**

Te whakarāpopoto o te
Tahua Pūtea ā-Tau 2023/2024

Aotelega o le Tala o le Tupe Fa'aletausaga 2023/2024



Fa'afoeina o fa'afitauli mai le tau fa'asoaina o tupe

Ua feagai nei le Pulegānu'u a Aukilani ma ni fa'afitauli tau tupe, ma ua mo'omia ai le faia o ni fa'aiuga tāua. Ua mo'omia ni auala e fesoasoani i le tau fo'iaina o le pa'ū maualalo o le talafa'atatau o le tupe sa fuafuaina mai, lea ua tula'i mai i le \$295 miliona mo le tausaga fa'aletupe 2023/2024.

O lenei vaega tupe pa'ū, ua mafua mai i le faalateleina o nisi o 'aunaga ma aseta, sa feagai ai le pulega i tausaga ua mavae. O lea ua mo'omia ai nisi o tupe ina ia fa'atumauiina ai le lelei ma le fa'aauuina pea o le fa'atinoga o nei 'aunaga. Ua atili fa'ateleina le fa'afitauli ona o le vave ona si'itia o tau o tupe tului i aitalafu ma le taugatā o le soifuaga i le tausaga ua mavae.

O matagi po'o afā ma lologa sa matua a'afia ai le tele o tagata i Tamaki Makaurau mai le Aso 27 o Ianuari, ua atili ai ona faaopoopo i lenei mafatiaga tau tupe ua feagai ai.

Ua mo'omia le taufa'apaleni o le tala o le tupe ma ua 'utiuti ai nisi o avanoa tatou te filifili ai mo le tausaga fa'aletupe o le a soso'o nei.

O la tatou fuafuaga atoa mo le talafa'atatau o le tupe 2023/2024 e aofia ai vaega nei:

- Tu'uitiitia le tau o tupe totogi e fa'agaioi ai fuafuaga e ala i le faaopoopoina lea o le \$125 miliona mo le pulegānu'u a Aukilani atoa ma le fa'afoeina o isi fa'alapotopotoga a le Pulegānu'u. E ono iai se 'a'afiaga i nisi o 'aunaga o lo'o fa'ao'oina atu mo tagata lautele.

- O se tu'ufa'atasiga o tupe totogi o le'a si'itia i le 4.66 pasene po'o le \$154 mo le tagata e totogi mo nofoaga ma totogi i le tausaga (pe tusa ma le \$3 i le vaiaso)
- Fa'atauina atu oa tatou shares o i le malaeva'alele faavaomalo i Aukilani (pe tusa ma le 18% shares i le malaeva'alele) ina ia fa'aiti'itia ai a tatou nonogatupe.
- Ia lē sili atu i le \$75 miliona la tatou aitalafu fa'aopoopo, ina ia mafai ai pea ona tatou lavātia nisi lu'itau ma ni tulaga lē mautonu tau tupe i le lumana'i (o le tulafono i le taimi nei e mafai ai ona toe nonō se isi tupe e o'o atu i le \$140 miliona).

O la tatou paketi o lo'o mafai ai pea ona fa'atino le tele o 'auaunaga mo'omia e tagata Aukilani mo aso ta'itasi, fa'atasi ai ma le \$2.8 piliona o tupe teu fa'aagaaga mo aseta tau femalaga'iga, o paka ma nofoaga mo tagata lautele, nofoaga tutotonu i taulaga ma ona atiina'e fa'aitumalo, toe fa'aleleia o 'a'ai ma taulaga ma le atina'e o aganu'u, fa'atasi ai ma le puipuia lelei o lona si'osi'omaga. Matou te fuafua foi e vave ona fa'atinoina le toe fa'afouina o nisi o aseta ma mea e mo'omia mo le tali atu i a'afiaga mai afā ma lologa, ma e mafai ona ave le fa'amuumua i le vaega lea nai lo o ni teugatupe fou fa'avaitaimi.

Mai le tausaga fa'aletupe 2023/2024, ua matou fuafua foi e fa'aaluina le lata i le \$20 miliona fa'aopoopo mai lea tausaga i lea tausaga ina ia fa'aitiitia ai a'afiaga mo nisi afā ma lologa i le lumana'i. O lea e ona mo'omia ai foi le fa'aopoopoga o tupe totogi pe a ma le tasi pasene mo le 2023/2024 (e fa'aopoopo atu i le 4.66 pasene ua fa'atu atu auā le feagai ai ma le siofi o le paketi).

O lo'o matou fuafuaina ma tu'ufa'atasia pea nisi o auala faigofie, talafeagai ma maua mai 'auaunaga ofoina a nisi o fa'alapotopotoga, ina ia filifili ai pea ma fesoasoani i le tau fa'apaleniina o le tala o le tupe.

Afai ae mae'a mai le fa'atalanoaga ma tagata lautele, ae lē lagolagoina e le toatele lea fuafuaga ua tu'u atu, ma fa'ateleina ai pea le utiuti o le seleni, o le'a taumafai loa nisi o auala e ono gafatia ai. O le a matou toe iloilo ina isi fa'asaga ia:

- si'itia o le tupe totogi manasi po'o rates e o'o atu i le 13.5 pasene po'o le \$336 i le tausaga (\$6.50 i le vaiaso)
- toe fa'aopoopoina o le aitalafu po'o tupe nonō.

O lo'o ta'oto nisi o filifiliga faigatā i le lumana'i, o lea e mo'omia ai ni o outou finagalo fa'aalia ma ni fa'atalatalanoaga mo nei fuafuaga.

Auala e faailoa mai ai lou finagalo

Ina ia faamauina lou manatu i nei mata'upu po'o se isi lava mea tau tupe, e tāua lou fa'atinoina o vaega nei:

- asiasi ane i le itulau lea - [akhaveyoursay.nz/budget](https://www.aucklandcouncil.govt.nz/budget)
- telefoni 09 301 0101 po'o le
- asiasi ane i le faletusi ma auunaga tutotonu oi lou pitonuu.

E tatau ona fa'ao'o mai uma fa'amatalaga ia lē sili atu i le Aso Lua 28 o Mati.

O le fa'aiuga o le'a faia ia luni 2023 ma o le ā fa'ailoa ai fo'i ma le tala o le tupe i le itulau o le Pulegānu'u a Aukilani i le [aucklandcouncil.govt.nz](https://www.aucklandcouncil.govt.nz)